



寶刻叢編卷第十四

西浙西路

臨安府

錢塘陳

思

纂次

大都督府春秋屬越戰國屬楚秦
 屬會稽郡漢因之東漢順帝以後
 屬吳郡晉屬吳興吳二郡宋齊梁
 因之陳置錢塘郡隋開皇中郡廢
 置杭州大業初州廢置餘杭郡唐
 武德四年置杭州天寶元年曰餘
 杭郡皇朝陞鎮海軍節度淳化五年改
 曰寧海軍今縣九
 錢塘仁餘杭
 臨安富陽於潛
 新城鹽官昌化

寶刻叢編卷第十四

侯鉦銘

四十二字惟下兩字缺有云新始建國元年蓋莽以始建國冠所改年號紹興初金州耕者耕得之太守郭浩致于宣撫司後以進

御府 資古紹志錄

侯鉦四十二字 缺二字王莽地皇二年所作紹興中出於京州今在毗陵胡承公家漢器如館陶釜甘泉內者鎗之類雖非夏鼎間古文蓋猶是篆體獨此器所書有波畫字尤精勁與漢末筆法無異孰謂西

都隸字皆古拙乎 隸續

晉關內侯廣昌長暨遜碣

咸和中湖州刺史孔彭立在餘杭 訪碑錄

晉郭文碑

咸和中湖州刺史孔彭立在臨安 訪碑錄

晉孝婦嚴氏碑碣

咸康六年立在餘杭 訪碑錄

梁關內侯盛紹遠碑

天監中聚徒教授歿後門人立碑在餘杭 訪碑錄

唐於潛縣令丁明府德政頌

唐殷亮撰并書公名君表字元章麟德二

年三月九日立

諸道石刻錄

唐韋同遊富春題

分書長安二年十二月

諸道石刻錄

唐龍興寺碑

唐盧李詢撰李涉八分書景龍四年四月

金石錄

唐華嚴玄覽律師碑

唐工部侍郎徐安貞撰諫議大夫褚庭誨

法書師庭誨之諸父也為杭州華嚴寺僧

碑以開元十五年八月立

集古錄目

唐臨安縣主簿宅記

唐陸曾分書并篆額天寶五年七月建

復

碑錄

唐前餘杭令陳允昇德碑

政

唐李舒撰上元二年立在本縣內

訪碑錄

唐天柱山天柱宮記

唐吳筠撰并書苗昭題額大曆五年立

訪碑錄

唐徑山大覺禪師碑國一影堂記

唐崔元翰撰羊士諤正書貞元九年二月

八日立復空碑錄

唐徑山大覺禪師碑

唐王穎撰王侁正書貞元十年十月金石錄

唐內供奉道士吳筠碑

貞元十年立在餘杭西十九里天柱觀內

訪碑錄

唐大覺禪師國一碑

唐崔元翰撰歸登行書并題額元和十年

四月十五日建在徑山復空碑錄

唐胥山銘

唐杭州刺史盧元輔撰錢塘縣令王通書

山有子胥廟故以為銘以元和十年十一

月立集古錄目

唐大覺禪師碑

唐崔元翰撰胡季良八分書并篆額寶應

二年十一月立諸道石刻錄

唐神仙觀碑

唐盛君玉撰郁文則行書篆額大和九年

正月建復錄

唐處士鍾離府君墓誌

唐吳郡沈郵正書會昌三年十二月立

餘杭復錄

唐大覺禪師碑

唐李吉甫撰蕭起正書大中八年十二月

金石錄

唐處士吳興姚幹墓誌

大中八年九月二十四日葬錢塘復錄

唐大覺禪師塔銘

唐丘丹撰蕭起行書大中九年五月立金石錄

唐郭寧墓誌

唐孫因餘撰能遂書大中中立復錄

唐餘杭令劉允恭德政碑

在本縣內訪錄

唐天目山銘

在於潛縣天目山上訪錄

梁新建錢塘湖廣潤龍王廟碑

錢鏐記行書篆額貞明二年丙子正月十

五日庚午建復錄

梁新建功臣禪院記

錢鏐記貞明二年立在臨安縣諸道石刻錄

吳越國王錢鏐題名

梁龍德元年十一月一日天下都元帥吳

越國王鏐建置正書在南郊登聖寺磨崖

復錄

後唐開慈雲嶺路記

篆書梁單開之歲興建龍山至泥灘之歲

開慈雲嶺蓋興建于梁貞明五年開嶺於

唐同光二年碑在慈雲嶺復錄

後唐尚父吳越國王謚武肅神道碑

楊凝式撰翰林待詔張恭允行書郭在微

篆額長興五年正月立在臨安縣復錄

吳越胡進思造傳大士像塔記

晉天福十年二月十一日惠龜記在郊壇

側淨明寺復錄

吳越王題錢明觀橋記

吳越寶正六年歲次辛卯四月八日建錢

明觀造此石橋吳越國王記復錄

吳越加句尊勝呪幢

婺州浦江縣女弟子胡氏二娘寶大二年

歲次乙酉十一月八日建在九里松觀音

寺復錄

阜亭神祠碑

于僧翰書諸道石刻錄

驪峯寺記柳公權書

悟空師碑

吳越國王成宗安陵題

江南李主書牡牧九日登高詩

四碑並諸道石刻錄

蘇州

平江府周初封秦伯為吳國春秋
 末為越所并戰國屬楚秦置會稽
 郡漢曰之東漢順帝置吳郡晉宋
 齊梁陳因之陳兼置吳州隋平陳
 郡廢改周州曰蘇州國姑蘇山為
 武德四年曰蘇州天寶元年曰吳
 郡南唐中興國三年改曰平江軍
 皇朝太平興國三年改曰平江軍
 正和三年陞為平江府今縣五
 長洲 吳縣 崑山
 常熟 吳江

漢外黃令高彪碑

故外黃令高君碑隸額凡兩行石已損疑
 其上當有漢令二字紹興中吳郡取土於

郭外而得之今碑在郡齋高君舉孝廉陟
三署令外黃受經于汝南許公受知于光
祿勳楊公其舉將潁川太守文君詣廷尉
遂捐官以赴之道病而卒碣之所載頗詳
獨其名字皆利缺不可攷碑云光和七年
龍在困穀月次鷄火六日丙申卒蓋靈帝

甲子年六月也是歲十二月改元中平又
云中平二年龍旂奮若月次星紀舒龍范
君來典鄙邦即乙丑十一月也乃是述立
碑之事文苑傳有高彪字義方吳郡無錫

人傳云彪為諸生遊太學有雅才而訥于
言郡舉孝廉試經第一除郎中校書東觀
數奏賦頌奇文因事諷諫靈帝異之第五
永使督幽州百官祖饒于長樂觀皆賦詩

彪獨作箴蔡邕等美其文以為莫尚也後
遷內黃令帝初同寮臨送祖于上東門詔
東觀畫像以勸學者彪到官有德政病卒
詳史之所書甚與碑合家無錫而葬姑蘇
蓋不遠也則知此乃高彪之碑無疑但傳
以外黃作內黃一字之誤爾

隸釋

魏鍾繇賀捷表

漢建安二十四年閏月九日上諸道石刻錄

晉樂毅論

永和四年書賜官奴首尾存中缺有草書

二行諸道石刻錄

杜子參墓碑

在西郭門外寰宇記

吳偏將軍凌統碑

在吳縣東北二十五里臯亭山東碑云統字公續吳興餘杭人也志毅果敢常為前

鋒寰宇記

宋湘東太守張濟女雅兒墓誌

宋故臨渭縣侯湘東太守張府君諱濟第

三女雅兒春秋三十有一亡于編偏憂永徽

元年十月十七日權假窀穸于西鄉復錄

梁張先師碑

梁昭明太子奉勅撰天監五年立諸道石刻錄

梁太常卿陸倕墓誌

從子襄序湘東王蕭鐸銘前一半磨滅僅有姓氏名字官爵皆不復存後有普通七

年除太常卿字以其年六月卒葬吳縣陵
山鄉碑末列祖父兄二四男名及官爵以
南史攷之乃陸慧曉之子陸倕也按史倕
字佐公累遷至太常卿卒

復錄

隋橫山頂舍利靈塔銘

嚴德盛製文魏瑗正書大業四年九月八

日立 復錄

唐枯樹賦

唐褚遂良書庾信賦貞觀四年十月八日
為燕國公書凡四百六十七字

諸道石刻錄

唐弘文館學士顧君墓誌

正書無書撰人姓名乾封二年三月立碑
已殘缺止其前一段以事攷之蓋顧允也
允高宗朝為弘文館學士司文郎中卒姓

名附見唐書令狐德棻傳 金石錄

唐陸景倩妻徐夫人墓誌

分書無書撰人名氏景雲元年九月六日

立 復錄

唐老子道德經幢

唐明皇八分書 諸道石刻錄

唐春申君廟碑

唐吳郡太守江東採訪等使趙居貞撰前
廣陵大都督府戶曹參軍集賢院待制史
惟則八分書并篆額吳郡有春申君故宮
後人因以為廟俗訛謂之城隍神居貞廣
其制度更易塑像以朱英配饗故名曰黃

相廟碑以天寶十年立

集古錄目

唐清遠道士詩

唐顏真卿李德裕追和

諸道石刻錄

唐畫龍記

唐李紳撰在長洲

諸道石刻錄

唐重建龍興寺碑

唐房瑄撰序碁母潛銘徐挺古分書貞元

十四年十月十五日韋夏卿重刊立沈寧

篆額

復錄

唐重建龍興寺碑記

瑄姪孫房損述分書無姓名貞元單闕歲
建卯之初日在營室以記碑陰乃貞元十

五年二月也

復錄

唐五龍堂記

貞元中立 諸道石刻錄

唐新開常熟塘記

唐劉允文撰劉苑正書元和四年二月立

金石錄

唐大德元浩和尚靈塔碑

唐崔泰撰并正書元和十四年十一月五

日立在虎丘 復在碑錄

唐包山神景觀林屋洞院記

開成三年立 諸道石刻錄

唐周先生住山碑

唐令狐楚撰 諸道石刻錄

唐武丘東山碑

唐陸東之撰 諸道石刻錄

唐報恩寺慧敏律師碑

陳諫撰元錫書 諸道石刻錄

後梁加白尊勝陀羅尼咒

開運三年四月 復在碑錄

華山精舍記

明聖湖記

白樂天與劉禹錫書

三碑諸道石刻錄

潤州

春秋屬吳戰國屬越後屬楚秦屬
 會稽郡二郡漢屬會稽郡東漢屬
 吳郡吳王孫權初鎮丹徒謂之京
 城晉平吳置毗陵郡宋置南東漢
 郡及南徐州梁改郡曰南蘭陵郡
 陳曰南東海郡自宋至陳常以京
 口為重鎮隋平陳郡廢開皇十五
 年置潤州大業初州廢屬江都郡
 唐武德三年復置潤州天寶元年
 改為丹陽郡後陞鎮海軍節度
 皇朝改鎮江軍今縣三
 丹徒丹陽金壇

吳季子墓十字碑

篆書凡十字曰烏乎有吳延陵季子之墓

據張從申記以為孔子書碑以堙埋玄宗

命殷仲容榻無大歷十四年潤州刺史蕭定

重刊于石集古錄目

前世相傳以為孔子所書據張從申記云舊石埋滅唐開元宗中元宗命殷仲容摸榻其書以傳然則開元之前已有本矣至大歷中蕭定又刻于石則轉相傳摸失其真遠矣按孔子平生未嘗至吳以史記世家攷之其應聘諸侯南不踰楚推其歲月踪跡未嘗過吳不得親銘季子之墓又其字特時大非古簡牘所容第以其名傳之久

不可遽廢故錄之以俟博識君子集古錄

自唐以來相傳為孔子書大歷中蕭定再摸而刻之余覽史記家語及秦漢以前諸子凡孔子與學者談議問答是非褒貶纖悉必載其間荒誕之說寔非出于聖人附託書之者固有之矣况于季子之賢孔子親銘其墓不應略不見稱于前世至唐而始傳也又碑銘始于東漢孔子時所未有而其字畫乃故為竒怪以欺眩世俗者非孔子書無疑蓋好事者偽為爾故余特為

錄之以解來者之惑後有博識之士當以
余言為然金石錄

自前世以來傳為孔子書故太白撰紫陽
先生銘有延陵既沒仲尼嗚呼之語字苑
亦云李陽冰初師嶧山碑後見仲尼季札
墓刻遂變化開闔若龍蛇蟠踞自言斯翁
之後直至小生曹喜蔡邕不足比數此碑
大歷十四年蕭定再刊本然必謂吾夫子
書何何所據也集古後錄

瘞鶴銘

稱華陽真逸撰不著名次不知其何時人
潤州圖經以為王羲之書銘刻于焦山之
足常沒水中人候水落時摸之不過得其
數字此本凡七十字最為多也

題云華陽真逸撰刻于焦山之足常為江
水所沒好事者伺水落時摹而傳之往往
祇得其數字惟余所得六百十餘字獨為多
也按潤州圖經以為王羲之書字亦奇特
然不類羲之筆法而類顏魯公不知何人
書也華陽真逸是願况道貌今不敢遂以

為况者碑無年月不知何時疑前後有人

同此號者也集古錄

題華陽真逸撰莫詳其為何代人歐陽公

集古錄云華陽真逸是願况道號余全遍檢

唐史况文集皆無此號惟况撰湖州刺史

廳記自稱華陽山人爾不知歐陽公何所據

也金石錄

資政邵公亢嘗就焦山下缺石攷次其文

如左其不可知者闕之故差可讀然文首

尾似粗可見雖文全亦止此百餘字爾而

歐陽公集古錄謂事好者往往只得數字

惟余所得六百餘字獨為多矣蓋印書者

傳說誤以十為百當時所得蓋六十餘字

故云比數家本為多此銘相傳為王右軍

書故蘇舜欽子美詩云山陰不見換鵝經

京口新傳瘞鶴銘文忠以為不類王法而

類顏魯公又疑是願况之號道同又疑是

王瓚僕今審定文格字法殊陶弘景弘景

自稱華陽隱居今日真逸者豈其別號歟

又其著真誥但云己卯歲而不著年名此

又可證云壬辰者梁天監十一年也甲午者十三年也按隱居天監七年東遊海嶽權駐會稽永嘉十一年始還茅山十七年乙未歲弟子周子良仙去為之作傳即十一十三年正在華陽矣此銘後又題丹陽尉山陰宰江殺字及唐王瓚詩字畫亦類似瘞鶴但筆勢差弱當是効陶書故題于石側也或以銘即瓚書設矣王逸少以晉惠帝大安二年癸亥歲生年五十九至穆帝升平五年辛酉歲卒則咸帝咸和九年甲午歲逸少方年三十二至永和七年辛亥歲年三十八始去會稽而間居則不應三十二年已自稱真逸也又朱官于朝及間居時在華陽以是致之此銘決非右軍也審矣

朱方鶴銘陶真白書在焦山下石頑難刊且為水泐敲字無鋒穎者若掘筆書味者從而効之深可一笑並東觀餘論

冬日陪群公泛舟詩

謫丹陽功曹掾王瓚撰在瘞鶴銘傍字畫

亦同 諸道石
刻錄

右瘞鶴銘傍其字畫正同蓋一人所書也
題謫丹陽功曹掾而不見其名詩與書皆
上然世願軍傳 金石錄

宋文帝神道碑

太祖文皇帝之神道凡八大字而別無文
詞惟以此為表識爾古人碑刻正當如此
而後世鑿刻功德爵里世系惟恐不詳然
自後漢以來門生故吏多相與立碑頌德
矣余家集古所錄三代 五代 以來鐘鼎彝盤銘

刻備有至後漢以後始有碑文欲求前漢
時碑碣卒不可得是則冢墓碑自後漢以
來始有此也此碑無文疑非宋世立蓋自
漢以來碑文務載世德宋氏子孫必未能
起然獨見復古簡贊又南朝士又氣尚卑
弱字書工者率以纖勁清媚為佳未有偉
然巨筆如此者益疑後世所書 非集古錄

梁昭隱刹下銘

梁晉安王蕭綰撰不著書人名字昭隱寺
刹王之所建也王後即位是為簡文帝碑

以普通三年九月立集古錄目

唐荆王神廟碑

唐孫處元撰正書無姓名先天二年三月

立復錄

唐荆王神祠記

唐張文瑾撰正書無姓名先天二年八月

立復錄

唐譙郡柏氏墓碑

分書無書撰人名氏篆額開元十五年八

月十五日建復錄

唐重修季子廟記

唐蕭定撰張從申正書大曆十四年八月

金石錄

唐縣令盧國遷建季子碑記

建中元年立在季子廟集古錄目

唐縣令鄭播謁孔子廟題名

貞元三年集古錄目

唐招隱寺朗然律師碑

唐柳識撰釋常靜正書并篆額建中三年

撰文貞元五年十一月七日樹碑復錄

唐王蕊花詩

唐潤州刺史李德裕洪州刺史沈傳師贈

谷王蕊花詩二首皆傳師書集古錄目

唐瘞舍利記

唐李德裕撰大和三年二月十五日立復錄碑

唐華中允墓誌

碑名唐滅書撰人及中允名皆亡咸通八

年刻集古錄目

唐尊勝陀羅尼經

唐于僧翰八分書咸通五年譙郡夏穆建

集古錄目

僧翰筆墨雖道勁然失分隸之法遠矣所

以錄者亦自成一家而為流俗所貴故聊

著之庶知博採之不遺爾集古錄目

唐尊勝陀羅尼經幢

今在潤州墨寶亭中唐雲陽野夫王真之

書字畫頗為世俗所重故錄之以備廣採

集古錄

唐封忠烈公隋司徒陳君新廟碑

唐顧雲撰正書姓名殘缺篆額乾符六年

十月立復空碑錄

南唐重複練塘銘

呂延真述并書昇元七年刻并李華所述

復練塘頌亦延真書復空碑錄

湖州

春秋屬吳吳滅屬越戰國屬楚秦屬會稽郡二郡漢屬會稽丹陽二郡東漢屬吳郡吳孫皓分置吳興郡晉宋齊梁陳因之梁兼置震州隋開皇九年平陳郡廢屬餘杭吳二郡唐武德四年復置湖州天寶元年復曰吳興郡周陞為宣德軍節度皇朝景祐元年改昭慶軍今縣六烏程歸安安吉長興德清武康

漢梁相費君碑

隸書不著書撰人名氏君名汎字仲慮官

至梁相碑不載其鄉里及刻石年月集古錄目

其額題漢故梁相費君之碑碑云梁相諱
汎字仲慮此邦之人也其先季文為魯大
夫有功封費因以為姓秦項兵起避地于
此遂留家焉碑無建立年月金石錄

漢故梁相費君之碑篆額費君名汎堂邑
令鳳九江太守政之父也鳳以成宗熹平
中卒碑載二子所終之官此蓋其孫均所
立故其銘有穆穆顯祖之句隸釋

漢堂邑令費君碑

碑云惟熹平六年無射之月堂邑令費君

寢疾卒嗚呼哀哉於是夫人元弟卜胤追
而誄之其後有銘詩碑所述費君事甚不
詳悉而其名字世次官秩具載於碑陰金石錄

漢故堂邑令費君之碑篆額費君名鳳自
郎中嘗宰新平故鄣堂邑三縣以靈帝熹
平六年卒其妻之之弟卜君追誄之乃作
此碑其後有門下功曹題名者九人隸釋

漢堂邑令費君碑陰

漢石勛撰隸書不著名氏鳳字伯簫漢安

中歷守故鄣堂邑長勛自稱鳳舊舅家中

孫文憲為五字句不著所立年月集古錄目

碑云君諱鳳字伯簫梁相之元子九江太

守之長兄也其後為五字韻語詞頗古雅

而時時殘缺不可次序其前題君舅家中

孫甘陵石勛字子才所述云錄石

伯簫碑隱者子才之所作也子才甘陵

人自稱君舅家中孫瞻彼碑誄不堪哀思

而叙之以詩也其詩有云中表之思情兄

弟與甥舅焉與女蘿性樂松之茂好聞君

顯令名舉宗為歡喜不寤奄忽終藏形而

匿影又云策馬循大路褰裳而涉洧惴惴

之臨穴送君於厚土末又云一別會無別期

相去三千里絕翰永慷慨泣下不可止賢

哉石君不遠三千里而會中表之喪也今

之人以貴陵賤以富忽貧薄思思敗禮喜不

慶憂不弔者幾何人也嗚呼觀此碑者情

友親厚之心可不悠然而生矣集古後錄

費鳳別碑刻舅家中孫甘陵石勛詩一篇

其詞云瞻彼碑誄懷之好音謂卜君所作

也其詩先叙世系歷官繼以韻語六十句
其三句六言餘皆五言石君蓋鳳之中表
也所述兄弟甥舅諸姑伯姊夫人孝孫悲
傷哀痛之意宛轉悽切費氏父子三碑今
並立于吳興校官之壁不知者指此為碑
陰趙氏亦有斯誤 隸釋

陳烏程縣孝義寺塔銘并陰

釋慧景製天嘉二年立

碑陰吳興太守武陵王 碑缺 禎明元年八

月 復錄

唐尊勝經幢

沙門明迥述 正書開元五年五月建 諸道
石刻

錄

陳孝義寺碑并陰

陳人徐陵撰十世孫徐嶠之正書開元二

十二年正月十五日立在烏程 復錄

初陳徐陵為孝義寺碑至開元十三年陵

十世孫徐嶠之為湖州刺史再書而刻之

因記其事於碑陰 金石錄

徐陵文非佳而頗有內典故事又徐嶠之

書有法故漫錄之

東觀餘論

唐吏部常選沈待瑗墓誌

開元二十四年十二月刻

復錄

唐烏程令韋承慶德政碑

唐沈務本撰沈仲昌正書肅宗至德二年

二月立

金石錄

唐金剛經尊勝經二石幢

唐朝議郎行河南府河陰縣主簿上柱國

沈洽建太原鄔彤書乾元元年八月三十

日立

新增

唐宣州博士沈縉墓誌

唐韋貞撰正書元名乾元二年十一月五

日祔于東主山在武康縣

復錄

唐封孔子為文宣王詔

唐明皇撰開元二十七年下大曆四年十

月一日孫沛建王金榮行書倒薤額

復錄

唐湖州刺史蕭公創建佛堂造三世佛及

諸功德等銘武康令韓章撰前衢州龍游

縣尉徐誥書正楷篆額大曆六年立

復錄

唐立晉謝公碣

唐裴清撰僧道銳書大歷七年十月十一

日龍興寺沙門皎然建復錄

唐謝公碑陰記

行書無書撰人姓名大歷七年十一月金石錄

唐沈氏述祖德碑并碑陰記

碑下一半缺不見書撰人名氏大歷八年

十一月立復錄

唐千祿字書

唐濠州刺史顏元孫撰湖州刺史顏真卿

書初元孫以字書分四聲定為正通俗三

體真卿以大歷九年正月刻石於湖州集古

目錄

千祿字樣別有撰本文注完全可備檢用

此本刻石殘缺處多直以魯公所書真本

而錄之爾唐公書刻石者多而絕少小字

惟此注最小而筆力精勁可法尤宜愛惜

而世俗多傳摸本此以殘缺不傳獨余家

藏之集古錄

放生池碑

唐昇州刺史浙西節度使顏真卿撰并書
肅宗乾元二年使驍衛郎將史元琮詔天
下自山南至浙西七道臨江置放生池八
十一所真卿為天下放生池銘上之碑以
大歷九年正月立

集古錄目

唐乞御書放生池碑額表

表真卿書批荅唐肅宗御書表以上元元
年上真卿時為刑部尚書碑以大歷九年
立

集古錄目

唐乞御書放生池碑額表碑陰記

唐顏真卿撰并書初肅宗既許書額未及
下而真卿貶碑不果立至大歷中為湖州
刺史始追建於州之駱駝橋東集批荅御
書字以為額又序其事於批荅碑陰以大

歷九年立

集古錄目

唐射堂記

唐顏真卿撰并書碑石缺誤文理斷續其
事迹不可攷大歷十二年四月立

唐項王碑陰述

唐顏真卿為湖州刺史重建項羽廟舊碑

以大曆七年五月刻記於碑陰集古錄目

唐湖州石柱記

碑字殘缺不見年月及書撰姓名驗其字畫顏真卿書也凡湖州諸縣皆記其山川前古陵墓集古錄目

文字殘缺其存者僅可識讀攷其所記不可詳也惟其筆畫奇偉非顏魯公不能書也公忠義之節明若日月而堅若金石自可以先後世傳無窮不待其書然後不朽然公所至必有遺跡故秦處處有之唐人

筆跡見於今者惟公為最多視其鉅書深刻或託于山崖其用意未嘗不為無窮計也蓋亦有趣好所樂爾其在湖州所書為世所傳者惟干祿字書放生池碑尚多見于人家而干祿字書乃楊漢公墓本其真本以訛缺遂不復傳獨余集錄有之惟好古之士知前人用意之深則其湮沉磨滅之餘尤為可惜者也集古錄

唐烏程縣新陞望記

唐縣尉陳萇撰顏次公分書大曆十三年

八月二十三日記復錄

唐茶山詩并詩述

唐湖州刺史袁高撰前滁州長史徐璿書
湖州之願渚山歲修茶貢高為刺史感其
採製之勤而作是詩其後于頔為刺史得
之於壞垣為之序而刻之貞元七年立集古

目錄

唐詩述碑陰記

唐李吉甫撰徐璿正書貞元十年正月立
金石錄

唐白蘋亭記

唐李直方撰史稿八分書并篆額己卯歲
作即貞元十五年也諸道石刻錄

唐義興縣重修茶舍記

史稿八分書詩碑錄

記曰義興貢茶非舊也前此故御史大夫
李棲筠寔典是邦山僧有獻佳茗者會客
嘗之野人陸羽以為芬香甘辣冠于他境
可荐於上栖筠從之始進萬兩此其濫觴
也厥後因之徵獻寔廣遂為任土之貢與

常賦之邦俾矣每歲選匠徵夫至二千餘人云余嘗謂後世大夫區區以口腹玩好之獻為愛君此與宦官宮妾之見無異而其貽患百姓有不可勝言者如貢茶至末事也而調發之擾猶如此况其甚者乎羽蓋不足道嗚呼孰謂栖筠之賢而為此乎書之可以為後來之戒且以見唐世義興

貢茶自羽與栖筠始也金石錄

唐鹽官尉丘景朝墓誌

貞元十九年諸道石刻錄

唐紀功銘并將士題名

唐時佐元撰胡季良分書元和二年秋九月李錡作亂至十月九日當州討平復錄

唐封崇祀宣父故事記

唐辛祕撰元和四年二月諸道石刻錄

唐邱氏太宗碑

元和四年十月二十二日建

唐烏程縣新水亭記

元和四年諸道石刻錄

唐永興寺碑

元和五年 諸道石刻錄

唐永興寺僧伽和尚碑

裴昉撰胡季良篆額費濤行書元和九年

十月二日 復錄

唐尊勝經寶勝幢贊

胡季良墓并書 諸道石刻錄

唐卞山普廣寺養山記

唐吳國憚撰吳士良行書吳仁傑篆額元

和十四年三月二十日建 復錄

唐大明寺賢聖冥道齋記

沙門鴻本之書僧良建篆額大和元年十

月立 復錄

唐德本寺碑陰

唐胡季良撰正書無姓名大和八年立 復錄

唐立吳文皇帝廟碑

唐胡季良撰凌渭書大和八年立 復錄

唐智者大師靈塔題

大和九年四月二十八日 復錄

唐安公令嬪吳夫人墓誌

唐處士胡季良述并書大和九年五月 復錄

唐重模千祿字書

碑錄

開成四年刺史楊漢公以舊本訛缺重模刻石并為記附於碑後今其本比顏魯公所刻差完可以備用

集古碑目

真卿所書乃大歷九年刻石至開成中遽已訛缺漢公以謂一二工人用為衣食之業故摸多而速損者非也蓋公筆法為世模楷而字書辨正偽謬尤為學者所資故當時盛傳於世所以摸多爾豈正止工人為

衣食業邪今世所傳乃漢公摸本而大歷真本以不完遂不復傳故余并錄二本並藏之亦欲俾覽者知摸本之多失真也

集古碑錄

歐陽文忠言楊漢公謂此書以工人用為衣食之業故摹多而損速者非也蓋魯公筆法為世楷模而字書辨正偽謬尤為學者所資故當時盛傳於世所以摹多爾豈止工人為衣食業耶此論甚善但云漢公摸本多失真則不然今觀此書精穩勁媚

殊得顏真揚自以為不差纖毫信矣然文
忠又云干祿之注持重舒和而不局促余
輒易之曰持重而不局促舒和而含勁氣
迺畫魯公之筆意也 東觀
餘論

唐新造白蘋洲五亭記

唐白居易撰馬續正書開成四年十月立

金石
錄

唐范處士妻蔡氏墓誌

鄉貢進士李矩撰大中二年 諸道石
刻錄

唐文宣王新廟碑

唐鄭言撰并書篆額大中三年 復錄
碑錄

唐魯府君墓誌

大中四年 諸道石
刻錄

唐陸文正墓誌

長男肱撰并正書大中十一年三月 復錄
碑錄

唐處士馮湍妻全夫人墓誌

大中十二年十二月 復錄
碑錄

唐姚華妻蔣夫人墓誌

大中十四年九月 復錄
碑錄

唐報德寺新建尊勝寶幢記

唐蕭徵撰張時暎正書咸通四年四月十六日記在長興復錄

唐重置興國寺冥陽齋社記

沙門簡章述并書篆額咸通四年癸未八月十九日立復錄在烏程復錄

唐尊勝經

唐于僧翰小字八分書咸通五年諸道石刻錄

唐烏墩布古山索靖王廟碑

唐朱弘撰并書吳華篆額咸通十三年歲在壬辰四月立諸道石刻錄

唐李府君墓誌

咸通十四年五月復錄碑錄

唐三祖信心銘

沙門師立述沈咸正書并篆額乾符五年正月三十日諸道石刻錄

唐渤海高君妻彭城劉氏墓誌

乾符六年在德清復錄碑錄

唐資聖寺宣和尚塔銘

沙門蘊讓述楊光中正書陳漢温八分書

額光啟三年九月日葵復錄碑錄

唐衛尉少卿沈公昇仙廟碣

唐于景休撰行書光啟三年六月六日記

復修
碑錄

唐烏程縣修建廨署記

唐布衣楊夔撰并正書南嶽道士張賢篆

額乾寧三年正月七日建復修
碑錄

唐安定胡應夫人清河張氏墓誌

唐于景休撰正書天復四年正月復修
碑錄

唐大悲咒加句尊勝咒

天復四年諸道石
刻錄

唐勅書褒戰功記

篆額行書諸道石
刻錄

刺史李師悅碑

鍾離賓墓誌

頤渚山杜牧楊漢公題名

三碑諸道石刻錄

常州

春秋屬吳戰國屬越後屬楚秦漢
 屬會稽郡東漢屬吳郡晉太康二
 年屬毗陵郡惠帝改曰晉陵郡宋
 齊梁陳因之隋平陳郡廢置常州
 大業初州廢置毗陵郡唐武德三
 年復置常州天寶元年曰晉陵郡
 後復曰毗陵
 皇朝因之今縣四
 晉陵 無錫
 武進 宜興

漢許司農夫人劉氏碑

司農夫人碑漢太尉許馥之室也首行有
 標題之文石已剝所存數十百字其漫
 漶者強半惟次行獨全故知其姓劉氏而

為山陰之人其辭惟數句可讀如云體性
純淑非禮不行及孫息盈房而已其云德
配士列任似者以似為似也字畫多雜篆
體所書以字全類孔宙碑其他偏傍多與
故氏吳公碑中山相薛君題額相類應劭
漢官儀所載三公孝靈時有吳郡陽羨許
馘季軼漢紀光和四年馘以衛尉代劉寬
為太尉今許氏西墓皆在宜興而此碑猶
在夫人冢旁吳處厚青箱雜記云義興有
許馘廟其碑許劭作所唐開元中諸孫重

刊碑陰有八字云談馬礪畢王田數七徐
廷休讀之曰談馬即言午言午許氏礪畢
必石卑石卑碑字王田乃千里千里重字
數七是六一六一立字今其殘碑纔有數
十字其間載許君自司農遷衛尉此文稱
劉氏為司農夫人則銘墓時許猶未為衛
尉也其碑在光和之前無疑臨川王厚之
云其友陽羨邵偉嘗泛舟過許氏叢冢見
水濱一石舉而察之則許君殘碑也邵遂
載以歸厚之字順伯樂古多聞山陰石臺

寶刻彙編 卷五
卿亦佳士相與搜竒挾恠俾助此書為多
隸續

許氏先君祖誄

許氏先君祖誄隸額六字作一行下並無
一字存在宜興碑錄

吳國山封禪碑

在宜興世謂之國碑諸道石刻錄

不著撰人名氏吳中書東觀令史立信中
郎將蘇建篆歸命侯天冊元年得玉璽於
吳興文曰吳真皇帝遂改明年元為天璽

刊石告禪于國山之陰其所述瑞應元凡千
有二百餘事集古錄目

吳國山碑者孫皓天冊元年禪于國山改
元天璽因紀其所獲瑞物刊石于山陰是歲
晉咸寧元年後五年晉遂滅吳以皓昏虐
其國將亡而眾瑞並出不可勝數後世之
言祥瑞者可以鑒矣集古錄

其前叙孫皓即位以後郡國祥瑞凡千餘
言其後云乃以沼灘之歲欽若昊天月正
華元郊天祭地紀號天璽又云丞相沈太

尉璆大司徒燮大司空朝等以為今眾瑞
畢至三表納貢九垓八埏無不被澤率按
典繇宜行碑禮禪記勒天命遂於吳興國山
之陰告祭刊石以對揚乾命廣報坤德按
皓以丙申歲改元天璽碑言沼灘之歲是
也皓淫虐無道人神情疾而群臣方稱述
符瑞贊頌功德蓋刻石謝四年遂為晉所

俘矣

金石錄

晉樂毅論

石在故高紳學士家紳死家人初不知惜

好事者往往就閱或摸傳其本其家秘藏
之漸為難得後其子弟以真石質錢於富
人而富人家夫火遂焚其石今無復有本
矣益為可惜也後有甚妙二字吾亡友聖

俞書也

集古錄

石本舊藏高紳學士家集古錄云紳死其
子弟以石質錢于富人而富人家失火遂
焚其石非也元祐間余侍親官徐州時故
郎中趙竦被呂旨開名梁洪挈此石隨行
已斷裂用木為匣貯之竦尤珍惜親舊有

求墨本者必手摹以遺之疎歿今遂不知
所在錄金石

高紳為湖北轉運使道中間砧聲清遠因
得此本于其覆而已斷裂矣遂載以歸完
理緝綴櫝以木箱所可辨者如此後世之
傳布皆止於海字則其碎而不可緝者良
可惜也李之儀

樂毅論石刻有二本其一元豐初吳人得
其石于太湖水中石缺過半背向皆有刻
面十三行背六行後題永和四年十一月

二十四日書賜官奴其上書吳僧權即梁
人朱异徐僧權也又有草書兩行云知足
下行至吳念遠離不可居叔當西尔今十
七帖中亦有此一帖然不可居三字亦已
缺不全後有小字一行云大和六年中勒
畢大和唐文宗年號疑若唐玄度兄弟所
摹蓋其字勢甚類玄度書故也其一即周
越法書苑所記高紳學士得其石于秣陵
井中者是也凡二十九行石缺一角後兩
行只有最下一字至海字止紳之子安世

死于吳其家冢石質錢因沒入州氏錢氏石已破為數片以鍊宋之當官者每令摹拓錢氏厭之紹言比失火焚毀矣熙寧中吳大饑疫吾姻家趙子立以黃金買得之子立每欲摹本必躬濡紙傳石以綿帛漬墨拓之自此雖權勢皆不可得向之傳於人者益寶之矣或以為舊傳樂毅論乃右軍親書于石其後石入昭陵宋梁時溫韜得^之復傳人間即高氏本是也又按張彥遠法書要錄記智永云樂毅論者正書第一

梁世摹出天下珍之蕭阮之徒莫不臨摸又褚遂良記貞觀十二年內出樂毅論是王右軍真蹟今直弘文館馮承素模寫賜長孫無忌等六人于是在外乃有六本並筆精妙備畫楷則又書譜云太平公主愛樂毅論則天與之以織成錦袋盛之主敗籍沒咸陽姬竊舉袖中吏覺姬投之灶中不可復得而攷此數者之說未審孰是而子立所得高氏本字勢奇絕非右軍親書于石亦模真蹟而刻之者然石已破裂而

字蹟稱存得者宜寶藏之

徐平甫

樂毅論淳熙癸卯歲徐仁叔持以見遺云此即周越法書苑所記高紳學士得于秣陵井中者也紳之子安世死于吳其家以石質錢沒入州民錢氏錢氏遺火石焚裂為數片雖未甚損缺素厭州縣索取因結以不存熙寧間吳中大飢疫始出碎石求售趙子立捐黃金數十兩得之鐵掬匣藏躬自濡紙以綿帛清墨浥取所傳于人益寡子立死以授徐平甫徐氏二世秘藏不

以語人雖極加愛護亦日就剝落今則石面盡脫初見若不復字側目細視僅存髣髴拓取所不謹石屑隨紙而起想不復能傳遠矣子立名竦泉南人曾漕兩浙為都水使者二女無子徐平甫諱康直寔子立長婿仁叔名壽卿平甫孫也因以其說攷之歐陽公集古錄云高紳死其子弟以石質錢于富人富人失火遂焚其石今無復有本矣趙德甫金石錄云集古云非也元祐間予侍親官徐州時故郎官趙竦被旨

開呂梁洪挈此石隨行已斷裂用木匣貯之疎甚珍惜親舊有求木本者必手摸以遺之疎歿今遂不知所在蓋歐公為質錢所給而趙德甫不知後歸徐氏也按褚遂良石軍書目樂毅論四十四行而高紳舊本存二十九行又缺一角損者九行而最後二行止有一字至海字止字之全者三百五十七今伯仁所摹可見者一百八十九字又內二十二字不全疎瘦僅存字骨不復見運筆勢矣予先得舊本校歐陽氏

所藏文忠公本分毫無異今又得此遂附其後可以見物之變遷雖金石之堅亦就泯沒也

臨川王厚之

南齊紀僧真造釋迦像題

齊永明二年太歲甲子四月二十日弟子

紀僧真為亡弟僧惠敬造在宜興

復齋碑錄

南齊周僧徽等造像記

齊永元元年歲次己卯十二月初八日釋迦清

信弟子周僧徽僧義僧瓚僧琰等造

復齋碑錄

梁府君墓誌

郡太守河南褚朔造大同三年太歲丁巳

正月丁酉朔十九日乙卯葬在宜興碑錄

唐安國寺才法師碑

唐高智周撰呂保正書龍朔三年十月道諸

石刻錄

唐立隋司徒陳公神祠碑

唐齊光義序裴遵銘陸曾書并篆額乾元

三年二月建石毀建焚三年重刻碑錄

唐賀蘭夫人墓誌

唐兵部尚書陸贄撰據碑前書姪曾孫贄

其下字缺不完疑亦贄所書也夫人河南

人秘書監陸齊望之妻封滎陽縣君碑貞

元七年立集古錄

唐立晉平西將軍周處廟碑

晉陸機撰王右軍書元和六年十一月重

立在宜興廟中復錄

唐遊善權寺詩

唐義興王簿羊士諤撰士諤門人李飛書

元和十三年刻集古錄

唐東莞臧君夫人周氏墓誌

唐張師素撰無書人名氏元和十三年三

月立在義興復錄

唐立隋司徒陳公捨宅造寺銘

沙門德宣撰王遂書天寶四年述元和十

五年四月建復錄

興寧寺律如跋大師塔銘

僧張彪撰述并書寶應元年在無錫復錄

唐瑯琊諸葛府君墓誌

大中五年十月十一日己酉在宜興復錄

隋陳司徒告身并捨宅造寺疏序

隋大業十一年陳杲仁為朝請大夫告身

并杲仁妻軫靜緣捨宅造寺疏同刻皆無

書人名氏捨宅疏通稱明政二年者李子

通年號也集錄

唐雅王府功曹殷繇墓誌

弟紹業撰并正書繇字舜臣大中十三年

十二月葬在義興復錄

唐李隲惠山寺詩

詩九首并記咸通十一年五月一日無錫

令孫元恭勒石復錄

唐宿惠山寺并詩

唐王武陵序并詩朱宿竇郡和貞元四年
遊元和二年竇群重遊為記正書咸通十
二年七月縣令周邦弼刊復錄

唐再建重居寺碑

唐任宇撰蔣崧分書咸通十三年二月立

復錄

唐報恩安國寺浮圖銘

正書無撰人名氏篆額咸通十三年十月
立在宜興復錄

唐興道觀新建齋堂記

道士周漢賓撰并正書薤葉篆額乾符四
年丁酉七月七日丙午建復錄

唐忠烈公廟香爐贊

沙門蘊讓述天台散人下碑錄云濮陽鵬
書字體甚怪乾符六年五月復錄

唐報恩寺弘憲大師塔銘

唐張元逸撰并書篆額中和四年五月建

復錄

唐立東漢已亭侯蔣澄碑

薛希昌八分書正書額 諸道石刻錄

南唐義興縣道觀北極殿碑

徐鉉撰并八分書徐鉉篆額戊辰歲建 錄碑

孟簡修孟漬記

崇聖戒壇記

善權寺重建寺勅

惠山寺尊勝幢

四碑諸道石刻錄

嚴州

春秋戰國屬越後屬楚秦屬會稽
二郡漢屬會稽丹陽二郡東漢
屬丹陽吳二郡梁置新安郡隋平
陳郡廢仁壽二年置睦州大業初
州廢置遂安郡唐武德四年改睦
州天寶元年曰新安郡
皇朝曰之今縣六 建德 青溪
桐廬 分水 遂安 壽昌

唐龍興寺碑

唐康希鏡撰徐嶠之正書開元三年二月

立錄金石

唐許尊師孝廬瑞芝記

唐何源撰并書正書額上元二年歲次辛

丑十二月一日記復錄

唐遊靈巖瀑布記

唐前濮州別駕康仲熊遊靈巖瀑布記不著書人名氏大歷十二年刻集古錄目

唐立嚴陵釣臺記

唐崔儒撰崔玄八分書并篆額興元元年

四月景辰建復錄

唐烏龍山有道先生許公碑

唐李師尚撰并書貞元十一年七月立公

諱法稜字道中諸道石刻錄

唐大廳記二

凡二本其一唐元和七年睦州刺史李通

古撰其一

皇朝將作監丞知桐廬縣才行撰自唐顯慶至中和刺史一百一十五人

皇朝太平興國中知州事二人題名書皆

一體不著名氏雍熙二年刻集古錄目

唐立漢洛陽令方仙公碑

唐御史大夫張文成撰在青溪縣廟內訪碑錄

城隍神記

馬目山新廟記

周堂書 二碑諸道
石刻錄

秀州

春秋時吳越分境於此吳亡屬越
越敗屬楚秦屬會稽郡漢曰之東
漢晉宋屬吳郡隋唐屬蘇州後屬
杭州石晉時吳越錢氏奏置秀州
皇朝曰之今縣四
嘉興 華亭 海鹽 崇德

吳陸禕碑

隸書不著書撰人名氏禕字元容吳郡吳
人仕吳至征北將軍海鹽縣侯碑以東晉

泰寧三年立 集古錄

碑云禕字元容其先家于陸鄉因氏姓焉
仕至黃門侍郎封海鹽縣侯碑以東晉泰

寧三年立 南豐集
古錄

晉陸階碑

隸書不著書撰人名字階字公聲禕之子也東晉初官至宣威內使前將軍碑以咸和七年六月立 集古錄

唐處士沈元期墓誌

乾元二年十一月九日夫人吳興丘氏合葬祔于嘉興西五十七里車口村之舊里

復色碑錄

唐丘君夫人虞氏石表

唐梁蕭撰恭燧正書貞元十年十月 金石錄

唐寶花寺碑

唐殿中侍御史鄒儒立撰蘇州刺史于頔書秘書監陸齊望有女為尼曰法興齊望捨宅為寺以居之子涓等以永貞二年正月造寺始成立此碑 集古錄

唐處士李暉墓誌

無書撰人姓名元和元年十二月 復色碑錄

唐新建法雲禪院記

唐沈斌述并行書大中十四年十月二十

五日記在華亭頤亭林市復錄

唐朗州龍陽令褚殘墓誌

唐徐軍撰正書無名乾符六年十月復錄

唐吳郡陸駢墓誌

中和二年九月復錄

唐光興寺記

唐譚匡合撰龍觀二年立在海鹽復錄

吳越錢鏐金山廟刻石文

復錄

江陰軍

梁分蘭陵縣置江陰郡隋平陳郡廢屬常州唐武德三年置暨州九年州廢未屬南唐置江陰軍皇朝曰之今縣一江陰

唐西王母授黃帝秘訣

唐張仲申書大曆四年冬復錄

唐沛郡朱夫人墓誌

唐處士丁厚之撰正書無姓名大中元年

九月二十四日庚午復錄

寶刻叢編 卷第十四

寶刻叢編 卷第十四



世傳